

15<sup>22</sup> - 1228

**Sebija Izetbegović**  
Zastupnica u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo

02-04-2026  
01 04 7593-66

n/r Predsjedavajućeg Skupštine Kantona Sarajevo

**Uputiti:** Ministarstvo zdravstva Kantona Sarajevo i Klinički centar Univerziteta u Sarajevu (KCUS)

**PREDMET:** Postupanje i praćenje posljedica infekcije novorođenčadi na GAK Jezero

Poštovani,

U skladu sa Poslovníkom Skupštine Kantona Sarajevo, upućujem zastupnička pitanja povodom posljedica infekcije novorođenčadi na GAK Jezero. S obzirom na protek vremena od događaja koji je izazvao ozbiljnu zabrinutost javnosti, a koji se odnosi na infekciju novorođenčadi bakterijom *Enterobacter cloacae* sa posljedičnim teškim oblicima meningitisa na GAK Jezero, u cilju utvrđivanja trenutnog stanja, odgovornosti i kontinuirane brige o oboljeloj djeci, upućujem sljedeća zastupnička pitanja:

#### **I. TRENUTNO STANJE DJECE I PRAĆENJE**

1. Molim da dostavite detaljan izvještaj o trenutnom zdravstvenom stanju djece koja su bila obuhvaćena navedenim slučajem infekcije, uključujući: broj djece koja su obuhvaćena ovim slučajem, njihovo trenutno zdravstveno stanje i stepen eventualnih trajnih oštećenja.
2. Ko je nadležan za vođenje i ažuriranje evidencije o ovoj djeci i na koji način se vrši dugoročno praćenje njihovog zdravstvenog stanja?
3. Ko trenutno vodi medicinsko liječenje i nadzor nad ovom djecom (konkretne klinike i timovi)?

#### **II. LIJEČENJE I ZDRAVSTVENA ZAŠTITA**

4. Da li se djeca i dalje liječe u inostranstvu, uključujući Acıbadem Healthcare Group u Republici Turskoj, ili je njihovo liječenje u potpunosti preuzeto od strane KCUS-a (Klinika za pedijatriju)?
5. Koji su medicinski protokoli primijenjeni u liječenju ove djece i da li su isti usklađeni sa savremenim međunarodnim standardima?

#### **III. INSTITUCIONALNO POSTUPANJE I PODRŠKA RODITELJIMA**

6. Koje konkretne mjere je Ministarstvo zdravstva Kantona Sarajevo poduzelo u cilju: pružanja podrške roditeljima oboljele djece, osiguranja kontinuiranog liječenja i rehabilitacije i finansiranja liječenja u zemlji i inostranstvu?
7. Da li je roditeljima pružena sistemska podrška (medicinska, psihološka, pravna i finansijska) i u kojem obimu?

#### **IV. EVIDENCIJA, ODGOVORNOST I NADZOR**

8. Ko prati dugoročne posljedice ove infekcije kod djece i da li postoji jedinstveni registar ili baza podataka o njihovom zdravstvenom stanju?
9. Da li je izvršena analiza uzroka nastanka ove infekcije i koje su mjere poduzete kako bi se spriječilo ponavljanje sličnih slučajeva u zdravstvenim ustanovama?
10. Da li su utvrđene odgovornosti unutar zdravstvenog sistema i koje su korektivne mjere implementirane?

#### **NAPOMENA O ZAŠTITI LIČNIH PODATAKA**

Prilikom dostavljanja traženih informacija, molim da se strogo vodi računa o zaštiti ličnih podataka u skladu sa Zakonom o zaštiti ličnih podataka Bosne i Hercegovine, posebno imajući u vidu odredbe koje se odnose na obradu i zaštitu posebnih kategorija ličnih podataka (član 9), kao i načela zakonitosti, svrhe i proporcionalnosti obrade podataka.

U tom smislu, zahtijevam da se ne dostavljaju identifikacijski podaci pacijenata (ime i prezime, JMBG ili drugi lični podaci), već isključivo agregirani i statistički podaci, uključujući broj oboljele djece, broj izliječene djece, broj djece koja su i dalje na liječenju, kao i drugi relevantni pokazatelji iskazani u zbirnom obliku.

#### **ZAKLJUČAK**

Imajući u vidu da se radilo o većoj grupi prethodno zdravorodne djece koja su pretrpjela ozbiljne zdravstvene posljedice, od ključne je važnosti osigurati potpunu transparentnost, kontinuiranu medicinsku brigu i adekvatnu institucionalnu podršku.

Molim da odgovori budu dostavljeni precizno, uz relevantnu medicinsku i administrativnu dokumentaciju.

S poštovanjem,

Sebija Izetbegović

Za

